



## **CONVOCATORIA DO CONCURSO DE LEMAS , CON MOTIVO DO 25 DE NOVIEMBRO DE 2020 “DÍA INTERNACIONAL CONTRA A VIOLENCIA DE XÉNERO”**

Con motivo da celebración do 25 de novembro, Día Internacional contra a Violencia de Xénero, a Secretaría Xeral da Igualdade e a Secretaría Xeral de Educación e Formación Profesional convocan un Concurso de LEMAS .

### **OBXECTO DO CONCURSO**

O obxecto do concurso é promover a reflexión sobre a loita contra a violencia de xénero dentro dos centros educativos de Galicia, a través dunha acción que fomenta a participación cidadá no rexeitamento público e frontal contra a violencia de xénero e sensibilizar sobre a importancia de valores como o respecto e a igualdade entre mulleres e homes.

Os lemas que resulten gañadores en cada categoría poderán ser utilizados pola Xunta de Galicia na conmemoración do Día Internacional contra a Violencia de Xénero ou en calquera outra acción ou accións de sensibilización contra esta violencia.

### **BASES DO CONCURSO**

#### **1. Participantes**

Poderá participar no concurso calquera centro educativo de ensino non universitario que imparta ensinanzas de infantil, primaria, secundaria e formación profesional da Comunidade Autónoma de Galicia, a través de equipos constituídos polo menos por un ou unha docente que o coordine, e tantas alumnas e alumnos como se considere.

##### **1.1 Categorias:**

1ª Categoría.- Alumnado 5º e 6º de educación primaria e 1º, 2º de educación secundaria obrigatoria (ESO).

2ª Categoría.- Alumnado de 3º e 4º de educación secundaria obrigatoria (ESO), de 1º e 2º de bacharelato (BAC), de FP básica, de ciclos de grao medio e de ciclos de grao superior.

#### **2. Temática e características técnicas das obras**

2.1 O contido dos lemas deberán enviar unha mensaxe que incida na reflexión





# XUNTA DE GALICIA

contra a violencia de xénero, promovendo a erradicación desta violencia e poñendo o foco na prevención, da detección precoz e na intervención.

Queremos contar cos centros educativos de Galicia para amplificar a mensaxe do rexeitamento contundente da violencia de xénero e facela chegar a todas partes. O máis importante é transmitir unha mensaxe clara e rotunda en contra da violencia machista, sen ningún xénero de dúbida.

2.3 Cada centro educativo poderá presentar 2 lemas en cada categoría

2.4 Os lemas deberán presentarse en lingua galega e estarán titorizados polo menos, por un ou unha docente do centro, que guiará o traballo do alumnado participante. O traballo pode ser individual ou colectivo. Procurarase que no alumnado participante exista unha representación equilibrada de nenos e nenas.

Os lemas deben ser orixinais e inéditos e non se poderán empregar imaxes ou nomes que identifiquen marcas comerciais ou persoas recoñecidas no ámbito público.

2.5 Valorarase a creatividade e enxeño á hora de escribir os lemas así como que estes fomente a concienciación e a sensibilización sobre o grave problema social que supón a violencia machista.

2.6 Os lemas premiados poderán ser utilizados co gallo da conmemoración do Día Internacional contra a Violencia de Xénero así como en calquera outro evento ou publicación, facendo constar sempre a orixe do traballo.

## 3. Envío dos traballos

3.1 Os centros que desexen participar neste concurso poderán facelo dende o día seguinte ao de publicación das bases nas páxinas web da Secretaría Xeral da Igualdade e da Secretaría Xeral de Educación e Formación Profesional **ata o día 19 de novembro de 2020, as 13:00 horas.**

3.2 Os lemas remitiranse por correo electrónico a [premios25n.igualdade@xunta.gal](mailto:premios25n.igualdade@xunta.gal), incluíndo no dito correo como anexo, unha ficha: **“I Concurso 25 de novembro-LEMAS”**, que debe de conter a seguinte información:

.Nome e apelido do/a autor/a ou autores/as (profesorado e alumnado)

.Curso

.Profesor/a que titorizou o traballo





# XUNTA DE GALICIA

- . Código e nome do centro
- . Teléfono de contacto
- . Enderezo electrónico
- . Memoria breve que explique o significado do Lema (extensión máxima de 1 páxina)

3.3 As propostas que non cumpran os criterios determinados nestas bases non serán consideradas; tampouco serán tidos en conta aqueles traballos cuxo tema non sexa o sinalado nestas bases, presenten mensaxes abusivas ou que non fosen realizados baixo a titorización de docentes do centro educativo.

## 4. Xurado

4.1 Para o ditame dos premios establecerase un xurado formado por:

- Presidencia: secretaria xeral da Igualdade, ou persoa en quen delegue.
- Vicepresidencia: secretario xeral de Educación e Formación Profesional , ou persoa en quen delegue.
- Todas as persoas integrantes da Comisión Asesora de Publicidade non Sexista.
- Secretaria/o: unha funcionaria ou funcionario da Secretaría Xeral da Igualdade, que actuará con voz pero sen voto.

4.2 Para asegurar a máxima imparcialidade, o xurado non coñecerá a identidade das persoas participantes. A Secretaría Xeral da Igualdade fará chegar os traballos ao xurado e custodiará a documentación que identifique o centro e as persoas autoras das obras ata que se resolva o concurso.

4.3 Para que o xurado se constitúa e poida celebrar as sesións correspondentes precisarase quórum da maioría dos membros.

4.4 Os acordos adoptaranse por maioría simple das persoas asistentes e en caso de empate decidirá o voto da presidencia.

4.5 O ditame do xurado será inapelable, tendo ademais as facultades de interpretar as bases e determinar as normas do seu funcionamento, así como de declaralo deserto, de ser o caso.

4.6 O xurado valorará, entre outros, os seguintes aspectos: a participación activa do alumnado, o traslado unha mensaxe acorde cos obxectivos que se promoven de rexeitamento da violencia de xénero, a orixinalidade, a creatividade lingüística, a claridade ou a adecuación da mensaxe, e elixirá entre todos os traballos presentados, os dous mellores en cada modalidade.





## 5. Gañadoras e gañadores

O xurado recoñecerá o valor dos traballos finalistas, do alumnado e do profesorado encargado de supervisar e titorizalos e anunciará os/as gañadores/as do primeiro, segundo e terceiro premio en cada unha das categorías nun acto en liña.

A data e a hora do acto faranse públicos nas páxinas web da Secretaría Xeral da Igualdade e da Secretaría Xeral de Educación e Formación Profesional.

A Secretaría Xeral da Igualdade e da Secretaría Xeral de Educación e Formación Profesional remitirán as persoas gañadoras os premios correspondentes, así como un agasallo para o centro educativo.

## 6. Aceptación das bases

A participación no concurso implica a aceptación íntegra e incondicional destas bases.

## 7. Cesión de dereitos de reprodución, difusión e exposición

A participación neste concurso leva implícita a cesión de dereitos de reprodución, difusión e exposición dos lemas premiados; así como o dereito a retirar todos os demais traballos que non resultaron premiados.

En todo caso, sempre que se utilice algún dos traballos premiados cos fins previstos nestas bases, nel figurará o nome do centro educativo que o elaborou.

En cumprimento da normativa vixente sobre protección de datos de carácter persoal, os datos de carácter persoal que se faciliten, serán utilizados con fins de comunicación nas distintas fases do concurso e en ningún caso serán utilizados con outra finalidade diferente á indicada nas presentes bases.

Os centros participantes serán os responsables últimos de garantir o pleno respecto da normativa vixente de materia de protección de datos persoais do alumnado menor de idade que participe ou se vexa exposto nos produtos presentados a este concurso. Garantírase que a reprodución da imaxe de menores estará sempre autorizada con anterioridade conforme a normativa.

En calquera caso, poderá exercer os dereitos de acceso, rectificación, cancelación e oposición mediante comunicación á Secretaría Xeral da Igualdade. Edificio Administrativo San Lázaro, s/nº 15781 Santiago de Compostela, ou no enderezo de correo electrónico [igualdade@xunta.gal](mailto:igualdade@xunta.gal)

Asinado electronicamente en Santiago de Compostela	
Secretario xeral de Educación e Formación Profesional	Secretaria xeral da Igualdade
José Luis Mira Lema	Susana López Abella

